



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



**«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»  
ՀԻՄՆԱԴՐԱՄԻ ԵՎ «ԱԼՊԻՆԻԶՄԻ ԵՎ ԼԵՌՆԱՅԻՆ ՏՈՒՐԻԶՄԻ ՀԱՅԿԱԿԱՆ  
ՖԵԴԵՐԱՑԻԱ» ՀԱՄԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ**

**Հաշվի առնելով**, որ Կողմերն ընդունում են զբոսաշրջության՝ ալպինիզմի և լեռնային տուրիզմի ոլորտում փոխադարձ համագործակցությունը.

**Կարևորելով** ուսանողների՝ պրակտիկ ոլորտում կարողությունների զարգացումը.

**Ընդունելով** Կողմերի պատրաստակամությունը համատեղ կրթական, գործնական միջոցառումների իրականացման, ուսանողների պրակտիկաների կազմակերպման, համատեքստում.

**Հիմք ընդունելով** սույն հուշագիրը և փոխադարձ պայմանավորվածությունները.

**Կողմերը համաձայնեցին հետևյալի շուրջ՝**

### 1. Համագործակցության նպատակը

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

### 2. Համագործակցության ուղղությունները

2.1 Ինստիտուտը պատրաստակամ է զբոսաշրջության՝ ալպինիզմի և լեռնային տուրիզմի ոլորտում պրակտիկ թեմաներ առաջարկել ուսանողներին՝ ամբիոններում և տեղերում հետազոտություններ իրականացնելու, իսկ «Ալպինիզմի եվ լեռնային տուրիզմի հայկական ֆեդերացիա» ՀԿ-ն (այսուհետ՝ Ֆեդերացիա) պատրաստակամ է գործուն և առարկայական աջակցություն ցուցաբերել հետազոտություն իրականացնող Ինստիտուտի սովորողներին:

2.2 Սույն հուշագրով Կողմերը համագործակցում են նաև.

- 2.2.1 Ֆեդերացիայում ուսանողների պրակտիկաների կազմակերպման միջոցով,
- 2.2.2 Ինստիտուտի կրթական ծրագրերի մշակման աշխատանքներում,
- 2.2.3 Նորարարական, ծրագրերի համատեղ իրականացման շուրջ,
- 2.2.4 սեմինարների, խորհրդակցությունների կազմակերպման միջոցով,

- 2.2.5 Կողմերի գործունեությանն առնչվող համապատասխան նյութերի հրատարակման գործում,
- 2.2.6 սույն հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության, Ֆեդերացիայի տարածքների, գույքի օգտագործման միջոցով,
- 2.2.7 երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում հետազոտությունների, փորձաքննությունների իրականացման շուրջ,
- 2.2.8 համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու միջոցով:

### 3. Համագործակցության սկզբունքները

Կողմերը սույն հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

### 4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն հուշագրի լրացումներն ու փոփոխությունները համարվում են հուշագրի անբաժանելի մասը:
- 4.3 Սույն հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն հուշագիրը կնքվել է Երևան քաղաքում, 2021թ. հունիսի 17-ին:
- 4.6 Սույն հուշագիրը ուժի մեջ է մտնում ստորագրման պահից և գործում անժամկետ:

### Կողմերի վավերապայմանները և ստորագրությունները

#### Ֆեդերացիա

«Հայաստանի ֆիզիկական կուլտուրայի և սպորտի պետական ինստիտուտ»  
հիմնադրամ

ք. Երևան, Ալեք Մանուկյան 11

Ռեկտոր՝ Դավիթ Խաչատրյան



#### Ինստիտուտ

«Ալպինիզմի եվ լեռնային տուրիզմի  
հայկական ֆեդերացիա» ՀԿ

ք. Երևան, Արցախի 1

Նախագահ՝ Սուրեն Դանիելյան

